

# FONDACIJA CURE VIJESTI

Januar/Februar/Mart 2023.

## Prvo izdanje u 2023.

Želimo dobrodošlicu povodom novih Vijesti Fondacije CURE koje obuhvataju događaje i novosti iz naše zajednice tokom perioda januar – mart 2023.

Uživajte u čitanju i ostanimo u kontaktu!

Ženska solidarnost  
donosi mir,  
patrijarhat  
donosi rat.

[www.fondacijadice.org](http://www.fondacijadice.org)

## Razvoj kapaciteta Fondacije CURE

Radi se o dugogodišnjem projektu koji podržava razvoj kapaciteta članica Fondacija CURE, ali i omogućava realizaciju programa za prevenciju stresa i sagorijevanja. Jedan od takvih programa sigurno je i supervizija našeg tima, povećanje vidljivosti našeg rada, ali i pružanje podrške kako bi ojačale kapacitete osoba i organizacija ženskog pokreta u BiH. Zahvaljujući izgrađenim

kapacitetima tima, vršimo monitoring jednog sudskog procesa, a uspjeli smo i da obezbjedimo podršku za studenticu koja dolazi iz područja koje je stradalo uslijed razornog zemljotresa u Turskoj. Takođe, pružamo podršku organizacijama kako bi realizirale svoje aktivnosti.

### Pristup predvođen pokretom



U sklopu projekta Movement-Led Approach (Pristup predvođen pokretom) koji je pokrenuo Globalni fond za žene (GFW) u osam balkanskih zemalja (Albanija, Bosna i Hercegovina, Hrvatska, Kosovo, Sjeverna Makedonija, Crna Gora, Slovenija i Srbija), Fondacija CURE organizirala je u periodu od 26. do 31. marta 2023. u Sarajevu sastanak Validacijskog odbora i Odbora za dodjelu grantova. Sastancima je prisustvovalo 46 članova/ica iz navedenih zemalja kao i predstavnici/e Globalnog fonda za žene.



Sastanak – Pristup predvođen pokretom – rodna pravednost

## Zagovaranje za ženska prava u Bosni i Hercegovini



KTK konferencija u Skoplju, mart 2023

Fondacija CURE od 2021. godine implementira projekat Zagovaranje za ženska prava u Bosni i Hercegovini. „Feminističke aktivnosti zagovaranja za ekonomsko osnaživanje i društvenoekonomske mjere podrške za većinu marginaliziranih skupina žena“ čine zasebni dio ovog projekta. Cilj projekta jeste razvoj adekvatnih strategija i donošenje institucionalnih mjeru ekonomskog osnaživanja marginaliziranih grupa žena s posebnim akcentom na žene koje su preživjele nasilje u porodici u FBiH.

U periodu od 21. do 23. 3. 2023., u organizaciji KtK, održana je Konferencija o feminističkom miru na zapadnom Balkanu - Feministički aktivizam. Doprinos Fondacije CURE aktivno je sudjelovanje na panel diskusiji „Aktivizam sjećanja i politika sjećanja – Kako možemo ponuditi alternativna tumačenja prošlosti koja se suprotstavljaju dominantnim štetnim praksama?“. Poseban fokus bio je na nužnosti uključivanja rodne i feminističke perspektive u kreiranje politike sjećanja.

# Iskustvena transformacija mirovnog aktivizma

Projekat „Iskustvena transformacija mirovnog aktivizma” ima za cilj obezbijediti transgeneracijski prijenos znanja i iskustava ženskog mirovnog aktivizma u Bosni i Hercegovini. Suočavanje sa prošlošću veoma je važan dio izgradnje mira ako želimo izgraditi društvo jednakih prava. Prepreke izgradnji mira su prilično brojne i „muževne” – od destruktivnog političkog sistema i zakonodavnog dispariteta,


niskog životnog standarda, nedostatka saradnje vladinog i nevladinog sektora do nedovoljnog aktivnog angažmana mladih. Cilj razumijevanja prošlosti i unaprjeđenja mira u Bosni i Hercegovini mora biti podsticanje mladih na aktivno učešće u odlukama i akcijama na lokalnom nivou, što je od velike važnosti ako želimo graditi demokratsko, otvoreno i prosperitetnije društvo.

## Izgradnja kapaciteta Ženske mreže BiH

Fondacija CURE uspješno je završila realizaciju projekta „Feminizam nije vodio ratove“ uz finansijsku podršku Fondacije HBS Bosna i Hercegovina. Cilj projekta bio je da se ukaže na različite izazove sa kojima se susreću i sa kojima su se ranije susretale žene koje su željele da budu politički aktivne i da daju svoj doprinos u izgradnji bolje budućnosti BiH. Provodeći ovaj projekt željele smo da pomognemo i podržimo sve žene

koje žele da, bez obzira na prepreke i probleme na koje nailaze, naprave iskorak i budu aktivne sudionice političkog i društvenog života Bosne i Hercegovine.

Kao završna aktivnost održan je seminar „Od izbora do izbora“ na kojem je prisustvovao veliki broj politički angažiranih žena iz različitih političkih stranaka iz BiH.



Radionica Ženske mreže

# Iskorjenjivanje rodno zasnovanog nasilja



Fondacija CURE, u saradnji sa Alternativnim centrom za devojke iz Srbije, Centrom za edukaciju, savjetovanje i istraživanje (CESI) iz Hrvatske i NVO Prima iz Crne Gore, realizira projekat UProot Gender Based Violence (Iskorjenjivanje rodno zasnovanog nasilja). Projekat ima za cilj podizanje kapaciteta i razmjenu iskustava na regionalnom nivou kako bi se iskorijenilo rodno zasnovano nasilje.

U narednom periodu planirane su studijske posjete u Beograd, Zagreb i Podgoricu radi prikupljanja relevantnih informacija za izradu priručnika.

Osim toga, planirana je i online kampanja s ciljem slanja poruke o nultoj toleranciji na nasilje, a trenutno su dostupni i Viber stikeri koji promoviraju nultu toleranciju na nasilje.



## Mir sa ženskim licem



Otvaranje izložbe u Parlamentu BiH

Fondacija CURE jedna je od trinaest ženskih aktivističkih organizacija koje su članice Inicijative „Mir sa ženskim licem“ koju vode Fondacija „Lara“ Bijeljina i Udruženje „HO Horizonti“ Tuzla. Inicijativa je formirana kao odgovor braniteljica prava žena na isključenje žena iz politika tranzicione pravde i neosjetljivost ovih politika na štetu i patnje koje su žene u BiH preživjele tokom

rata i u godinama rehabilitacije od ratnih posljedica. U prethodnom periodu organiziran je radni sastanak Inicijative. U martu smo prisustvovali Izložbi „Mir sa ženskim licem“ koja je bila postavljena u holu Parlamentarne skupštine BiH. Ovu je izložbu vidjelo stotine građana/ki, političara/ki i aktivista/ica, a izazvala je veoma pozitivne reakcije.

## Inicijativa „Građanke za ustavne promjene“

# IZGRADNJE MIRA SOLIDARNOSTI



\*Ženska mreža, 12. 10. 2022.

Inicijativa „Građanke za ustavne promjene“ u proteklom je periodu dostavila materijale svim parlamentarcima/parlamentarkama na nivou BiH i upoznala ih s prioritetima Inicijative. 22. 3. 2023. godine održan je sastanak sa Anjom Ljubojević, potpredsjednicom Narodne skupštine RS-a. Učestvovali smo u emisiji „Nevidljiva u jeziku, nevidljiva u životu: Zašto su žene kuvarice, ali ne i ministrike?“. Povodom Osmog marta – Međunarodnog dana žena i Sedmice ženske solidarnosti i izgradnje mira, zajedno sa Mrežom za izgradnju mira, Ženskom mreža BiH i Agencijom za ravnopravnost spolova BiH, učestvovali smo u prikupljanju informacija za Kalendar događaja povodom Sedmice ženske solidarnosti i izgradnje mira, te izdale saopštenje „Za prava smo se izborile, nismo ih doobile i ne damo ih!“. 2. 3. 2023. godine Centar ženskih prava iz Zenice predstavio je Inicijativu na Internacionalnom univerzitetu u Travniku. Novinarka Rubina Čengić, u saradnji sa Inicijativom, napisala je članak „Inicijativa Građanke za ustavne promjene ne odustaje“ koji je objavljen na diskriminacija.ba. Predstavnica Udruženja „HO Horizonti“ Tuzla, koje je jedno od članova Inicijative, održala je sastanak 28. 3. 2023. godine sa Mirjanom Marinković – Lepić,


predsjedavajućom Predstavničkog doma Parlamenta Federacije Bosne i Hercegovine i sa Dilistom Bašić, predsjednicom Komisije za jednakopravnost spolova Grada Tuzla.

Na sastanku u Bijeljini, predstavnice Inicijative imale su priliku da razgovaraju sa Johannom Strömquist, ambasadoricom Švedske u BiH, Evom Smedberg, šeficom razvojnog programa SIDA-e u BiH, Lisom Curman, programskom menadžericom u švedskoj ambasadi, Carin Jämtin, generalnom direktoricom SIDA-e i Lisom Fredriksson, šeficom Eurolatinskog odjela i da ukažu na važnost postojanja Inicijative koja je primjer zajedničke, istrajne i kontinuirane borbe žena, građana i građanki BiH u procesima izgradnje mira i povećanju vidljivosti i učešća žena u svim vrstama pregovora i procesa – od pregovora o ustavnim promjenama do izgradnje mira i pomirenja.

Više informacija o aktivnostima Inicijative „Građanke za ustavne promjene“ možete dobiti na <https://gradjankezaustavnepromjene.wordpress.com/>

# Inicijativa za monitoring evropskih integracija BiH

EU inicijativa – Vitez, 10. 1. 2023.



Inicijativa za monitoring evropskih integracija BiH održala je godišnje planiranje u Vitezu od 10. do 11. 1. 2023. na kojem je prisustvovalo oko 15 učesnika/ca. Predstavljen je rad i najznačajnija postignuća članica i Inicijative u 2022. godini u oblastima koje su dio evropskih integracija. Razgovaralo se o aktivnostima članica i boljoj

promociji tih aktivnosti, te umrežavanju članica s drugim relevantnim akterima/kama. Diskutovalo se i o značaju i implikacijama kandidature za članstvo u EU koja je BiH dodijeljena 15. 12. 2022. godine. Evropska komisija je nakon kandidature jasno naglasila da otvaranje pregovora o članstvu zavisi od ispunjenja 14 prioriteta iz Mišljenja Komisije objavljenog 2019.

## Ženski sud – regionalni organizacioni odbor



U skladu sa dogовором који постоји међу чланicама регионалног Ženskog суда (Žene u crnom, Beograd, Udruženje žrtava rata Foča 92-95, Fondacija CURE, Sarajevo, Centar za žene žrtve rata, Zagreb, Centar za žensko i mirovno obrazovanje Anima, Kotor, Novi Horizonti, Tuzla) održана је радionica Ženski mirovni susret – ка организованju Ženskog суда 17. i 18. februara 2023. у у Sarajevu у оквиру nastavka процеса Ženskog суда. На овом



susretu учествовале су жене из Foča/Sarajeva, организаторице и терапеуткиње Ženskog суда, те свједољке на ŽS из BiH, Crne Gore, Republike Hrvatske и Republike Srbije, укупно њих 29. Теме о којима се разговарало су: Inicijative у вези са транзиционом правдом – регионални и међunarodни ниво, Feministička етика бриге: моји извори, Barometar: митови и чинjenice о сексуалном насиљу у оруžаним сукобима и Симболичке reparације са фокусом на ратни злочин сијованја - међunarodна и регионална искуства.

## Sedmice ženske solidarnosti i izgradnje mira 2023.

Povodom Međunarodnog dana žena 2023. i Sedmice ženske solidarnosti i izgradnje mira, Mreža za izgradnju mira, Ženska mreža BiH, Inicijativa „Građanke za ustavne promjene“ i Agencija za ravnopravnost spolova BiH udružile su snage i organizirale različite događaje širom BiH. Fondacija CURE je organizirala:

### Osmomartovski marš

Na mirovno-aktivističkom maršu povodom 8. marta - Međunarodnog dana žena učestvovalo je više 200 osoba, građana/ki, aktivsta/ica i predstavnika/ca različitih organizacija s kojima dijelimo želju za državom ravnopravnih građana/ki. Cilj je bio da izlaskom na ulice pružimo otpor onima koji/e stoje na putu

ostvarivanja ženskih prava i sloboda. Zahvalne smo što smo i na ovaj način pokazale našu odlučnost u zaustavljanju svih opresivnih politika prema ženama i marginaliziranim grupama. Ovogodišnji slogan povodom 8. marta bio je:

**ODLUČNE CURE ĆE SPASITI SVIJET!**





## Bazar „I hljeb i ruže“ Druge gimnazije Sarajevo

Povodom 8. marta, veća grupa učenika/ca Druge gimnazije Sarajevo organizirala je cijelodnevni bazar u prostorijama škole pod sloganom „I hljeb i ruže“, te panel diskusiju na kojoj je prisustvovalo oko 15 učenika/ca. Fondacija CURE podržala je navedni događaj podijelivši promotivni materijal i

publikacije koje sadrže poruke o jačanju ženskih prava, položaju žena, historijatu borbe i slično. Sav prikupljeni novac koristiće se za stipendiranje jedne nadarene učenice izvan Sarajeva. Svaka čast na inicijativi! Fondaciji CURE bilo je neizmjerno zadovoljstvo učestvovati u ovoj akciji!





## CURE štand na STARfestu

CURE na STARfestu

U periodu od 31. 3. do 1. 4. 2023., Fondacija CURE učestvovala je na STARfest-u u Sarajevu. Na ovom događaju promovira se mogućnost zapošljavanja, obavljanja praksi, formalnog i neformalnog obrazovanja i stipendiranja mladih u BiH. STARfest organizira Inkubator društvenih inovacija „MUNJA“, jedna od vodećih nevladinih organizacija u zemlji s najposjećenijom platformom za mlade Hocu.ba. Preko 2000

mladih ljudi okupilo se na Skenderiji kako bi pronašli/e posao, praksu ili stipendiju. Naše volonterke su predstavile Fondaciju CURE, kao i programe neformalnog obrazovanja, mogućnost obavljanja praksi i volontiranja u Fondaciji CURE i obavile su razgovor sa preko 50 mladih osoba koje su pokazale interes za rad Fondacije i vlastito učeće u našim programima. Velika pohvala za naše volonterke koje su uradile fantastičan posao!

## Podrška neformalnoj grupi „KažuTreba“ iz Sarajeva

Fondacija CURE omogućila je da neformalna grupa mladih „KažuTreba“ neometano provodi svoje aktivnosti tako što im je obezbijedila prostor za okupljanje i održavanje radionica. Ponosne smo što imamo priliku da podržimo njihov rad. U prethodnom periodu, u našim prostorijama organizirano je pet tematskih radionica za 15-tak članova/ica.

Fondacija CURE od početka 2023. godine organizira Bookclub za članice, aktivistice, volonterke i sve druge osobe koje su zaneresirane da se druže jednom mjesечно razgovarajući o različitim feminističkim temama. Bookclub je siguran prostor bez osude s ciljem



Bookclub u Fondaciji CURE

da izazove zanimljive diskusije. To je okruženje u kojem učimo zajedno. Diskusije se vode na engleskom jeziku. Pored knjiga, jednom mjesечно komentarišemo i pokrećemo diskusiju oko određenog filma.

# Organizacioni odbor Povorke ponosa - OOPP

Organizacioni odbor Povorke ponosa nastavio je sa planiranim aktivnostima u 2023. godini i održano je nekoliko sastanaka na kojima je određen datum održavanja Povorke ponosa – 24. 6. 2023. u Sarajevu.

## CURE - PRODUKCIJA

U sklopu petnaestog regionalnog sastanka/susreta Ženskog suda koji je održan u Sarajevu nastao je film Ženski sud – feministički pristup pravdi (Sarajevo, 2022. godina) u kojem su učestvovali svjedokinje iz Bosne i Hercegovine, Crne Gore, Hrvatske i Srbije, kao i organizatorice,

terapeutkinje i saradnice Ženskog suda. Koncept i realizaciju potpisuju Sanel Hadžić i Denija Hidić, a produkciju i postprodukciju Sanel Hadžić. Film je dostupan na linku:  
<https://www.youtube.com/watch?v=38NyfnH5bDM>

## CURE - DODATNE AKTIVNOSTI



U periodu od 1. 3. do 4. 3. 2023. godine članice Fondacije CURE bile su trenerice na radionici „Kreiranje feminističkog manifesta kao jednog od alata za izgradnju feminističkog pokreta u BiH“ koju je organizirala Fondacija za osnaživanje žena iz Sarajeva za 20 predstavnica iz 10 organizacija iz 10 lokalnih zajednica širom BiH, s ciljem izrade feminističkog manifesta.

Članice Fondacije CURE održale su sastanak sa predstavnicima Ministarstva sigurnosti BiH i OSCE-a s ciljem nastavka saradnje na temu integriranja rodne perspektive u zaštitu i spašavanje i smanjenje rizika od katastrofa.

Članice Fondacije CURE dio su radne grupe koja učestvuje u pisanju CEDAW izvještaja - poglavlje „Jednakost u obrazovanju“. U februaru 2023. godine održan je sastanak ove radne grupe radi dogovora u vezi metodologije i načina rada, te pisanja izvještaja. Radnu grupu čini 16 članica koje su predstavnice različitih organizacija.

UNIGEM Zimska škola „Rod i globalizacija“ održala se u periodu od 20. do 26. februara, a okupila je 50 učesnika/ca iz Bosne i Hercegovine, Hrvatske, Srbije i Crne Gore. Organizatori/ce Zimske škole su Centar za interdisciplinarne studije „Prof. dr. Zdravko Grebo“ Univerziteta u Sarajevu i TPO Fondacija. Fondacija CURE je u toku Zimske škole imala priliku da predstavi svoj rad i feministički pokret u BiH.

U prethodnom periodu dale smo doprinos u pisanju ALTERNATIVNOG IZVJEŠTAJA O NAPRETKU BOSNE I HERCEGOVINE NA PUTU ZA ČLANSTVO U EVROPSKOJ UNIJI ZA 2022. GODINU - POLITIČKI KRITERIJI u segmentu „Socijalne politike i zapošljavanja“.

U prostorijama Fondacije CURE, Udruženje Mreža za izgradnju mira posthumno je dodijelilo specijalnu mirovnu nagradu Stanojki Cani Tešić za doprinos u borbi za prava žena i pomirenje. Mirovna nagrada „Goran Bubalo“ prepoznaje naše lokalne heroje i heorine koji/e žive i promoviraju najviše ljudske vrijednosti.

15. 3. 2023. godine prisustvovali smo obilježavanju 10 godina rada naših sjajnih prijateljica i aktivistica iz Udruženja žena za ruralni razvoj Zvijezda Vareš. Na ovom događaju dobole smo ZAHVALNICU za kontinuiranu podršku udruženju i rad sa njegovim članicama. Skupu je prisustvovalo oko 30 učesnika/ca, predstavnika/ca i članova/ica različitih nevladinih organizacija.

Članice Fondacije CURE prisustvovali su treningu trenera na temu ravnopravnosti spolova i diskriminacije na osnovu spola u okviru projekta „EU za ljudska prava i suzbijanje diskriminacije u BiH“ koji se provodi kao dio programa IPA 2 prepristupne podrške Evropske unije (EU) u saradnji sa Ministarstvom za ljudska prava i izbjeglice BiH, Gender centrom Vlade Federacije Bosne i Hercegovine i Gender centrom Vlade RS-a. Diskutovalo se o temama: Osnovni pojmovi u vezi sa diskriminacijom, Rodni stereotipi i predrasude, Međunarodni i domaći pravni standardi zaštite od diskriminacije i Diskriminacija na osnovu spola.

Članice tima Fondacije CURE su u periodu od 19. do 22. 3. 2023. prisustvovali konferenciji „Montenegro Regional Conference on Supporting Democratic Activism to Achieve Policy Outcomes“ koju partnerski organiziraju kancelarije Međunarodnog republikanskog instituta (IRI) u Crnoj Gori i u Vašingtonu D.C.

\*Feministički manifest u Tarčinu; Dodjela posthumne nagrade Stanojki Tešić Cani, Sarajevo, 7. 3. 2023.; Vareš, 15. 3. 2023.; Tivat, 19. - 22. 3. 2023.


## CURE - Naši gosti/gošće

Fondacija CURE je u prva tri mjeseca 2023. godine u svojim prostorijama organizirala sastanke, učestvovala u intervjima i upitnicima više od 20 puta i radila sa preko 100 osoba (pojedinci/ke, kao i predstavnici/e organizacija) s ciljem izgradnje ženskog pokreta, promocije ženskih prava, te dogovora u vezi buduće saradnje. Ponosne smo što smo na različite načine saradivale sa različitim osobama, organizacijama, međunarodnim organizacijama i institucijama, od čega izdvajamo sastanke sa Sarajevskim otvorenim centrom (SOC), Udruženjem „Renesansa“, Mrežom za igradnju mira, Udruženjem Žene za žene International iz Sarajeva oko organizacije osmomartovskih aktivnosti, Udruženjem „Rosa“ iz Zagreba i grupom aktivistkinja iz Ukrajine povodom mogućnosti organizovanja studijske posjete. Održale smo i sastanak sa SOC-om i Safe Abortion Action Fund-om (SAAF) i tom prilikom razgovarale o pravu na siguran abortus, te odgovorile na poziv za intervju o cyber nasilju od UNDOC-a i intervju/upitnik Oštре Nule iz Banja Luke na temu „Nismo jeftina radna snaga“.

Izdvajamo i sastanke sa Friedrich-Ebert-Stiftung-om (FES), Heinrich Böll Stiftung-om (HBS), umjetnicama iz Švedske, predstavnicom Fakulteta političkih nauka, predstavnica ADENIUM Film iz Rumunije, Udruženjem Infohouse iz Sarajeva, te UG „Budućnost“ iz Modriče...

Održale smo regionalni sastanak u organizaciji „Udruženja mladih sa hendičepom Crne Gore“ (zvanični naziv njihove organizacije); primile u posjetu grupu mirovnih aktivista/kinja iz Italije s ciljem snimanja dokumentarnog videa na temu mirovnih procesa u BiH; ustupile smo naše prostorije Udruženju INFOHOUSE radi organiziranja konferencije za medije, kao i za organizaciju konferencije za medije Organizacionog odbora Pride-a u Sarajevu povodom napada u Banjoj Luci itd.

U nastavku pogledajte neke od fotografija snimljenih u prostorijama Fondacije CURE.



\*Posjeta SOC-a i SAAF-a

\*Posjeta organizacija povodom osmomartovskih aktivnosti, 22. 2. 2023.

\*Posjeta talijanskih mirovnih aktivista/kinja

## CURE - OSTALE AKTIVNOSTI

Predstavnice Fondacije CURE u prva su tri mjeseca 2023. godine prisustvovalo na više od 15 događaja koje su organizirale druge organizacije. Imale smo priliku da se umrežavamo i povežemo sa preko 200 osoba aktivnih u području ženskih prava u BiH i regiji. Učestvovalo smo na različitim događajima, radionicama, konferencijama, okruglim stolovima i diskusijama od čega izdvajamo sastanak sa mladima iz Azerbejdžana, panel diskusiju „Suočavanje s prošlošću i dolazak do istine putem aktivizma i umjetnosti“, otvorenje izložbe „ArchiWar“ autorice Jelene Jaćimović u organizaciji „Zaboravljeni djece rata“, prezentaciju projekta „EU za ljudska prava i suzbijanje diskriminacije u BiH“, zalagačke sastanke sa predsjedavajućim Vijeća općine Centar u cilju zalaganje za usvajanje GAP-a općine Centar, radionicu Ureda za reviziju institucija BiH, prezentaciju programa „Kultura i kreativnost za Zapadni Balkan“, obilježavanje Međunarodnog dana žena i djevojčica u nauci u

organizaciji HUB Homework, konferenciju i prezentaciju istraživanja „Sigurnost žena u lokalnim zajednicama“ u organizaciji Centra za sigurnosne studije, konferenciju koju je organiziralo Udruženje „Zaboravljeni djeca rata“ iz Sarajeva, „Montenegro Regional Conference on Supporting Democratic Activism to Achieve Policy Outcomes“ u organizaciji Međunarodnog republikanskog instituta IRI u Crnoj Gori, izložbu „Labors of Care“, te promociju Studije uticaja Programa Y u organizaciji CARE International. Također, aktivno smo učestvovalo u monitoringu sudskih procesa, te prisustvovalo treningu „Feministički pristup pitanjima digitalne i integrisane bezbednosti i strategijama otpora“ na Zlatiboru koji je organizirao Alternativni centar za devojke iz Kruševca itd.

U nastavku možete pogledati fotografije sa nekih od događaja kojima smo prisustvovalo.

Zlatibor, 27. – 30. 3. 2023.





**PRATITE NAS I PRIKLJUČITE NAM SE!**

📞 +387 33 207 561

✉️ info@fondacijacure.org

🌐 www.fondacijacure.org

ƒ fondacijacure

Instagram: @fondacijacure

Twitter: @Fondacija\_Cure

YouTube: Fondacija CURE

Hvala donatorkama i donatorima u 2023.!

Global Fund for Women (GFW), Fondacija TRAG/Fondacija OAK, Mediterranean Women's Fund, Sigrid Rausing Trust, Women's World Day of Prayer (WWDP) - German Committee, Western Balkans Fund (WBF), Julia and Dennis Watkins Foundation USA, Kvinna till Kvinna (KTK)/Helsinki Committee For Human Rights; Heart and Hurt Found